

# Anpao Kin.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XV

FOREST CITY, S. D., FEBRUARY, 1899.

NO. 5

## ANPAO KIN.

ANPAO KIN wi iyohina, wiwawapi anpetu tokaheya eca mazaakdlrpeyapi.

Wi XAKPE on kapi, qa wi iyohina akezaptan (15) aokpani xni, ptayena partapi. wicacajo wanjina ekta hiyukiyapi kta cinpi kinan, icupi kin iyohina kaxpapi wanji (10c) on kajujupi kta.

WIXAKPE on api, qa wi iyohina wanjina icupi kta cinpi kin, kaxpapi wanji sanin okise (15) on kajujupi kta.

Icupi xni itokab kdajujupi kta.

Wowapi askabyapi maxakana wanji qaix nonpa owapi kin, mazaska eekiya, ANPAO KIN opeton okihipi kta.

Tuwa wowapi kagin kte ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,  
Cheyenne River Agency, S. D.

### Xawaxteya Cajeyatapi Wowapi Wan

ANPAO KIN icikoyagunyanpi qa wicoran waxte eon iyounpaxtakapi kta wookihit yuha. Okolakiciye-wakan opapi tka abebeya tipi kin, hena lyotan taokiye waxte heca kta. Bixop wauu kin eciyatanhan, taku ecamon onxpaxpa oyakapi qa taku bdutanin kta wacin kin hena owasin, qa Tipiwakan iyaza omawani woyakapi kin hena, qa nakun Okolakiciye-wakan kin wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sanin wicaxa tokeca wicacupi nin ecamu.

W. H. HARE, Yewicaxipi Bixop.

### OKOLAKICIYE WAKAN WOTANIN.

Jamestown ekta icimanipi kin.

[Continued from Jan. number.]

Ho lececa kin on, na Milahan-ska oyate kin, woiqiconze yuhapi kin, lena tokaheya hipi kin wanjikji iyepi etanhan icage cin on, General Convention omniciye kin el, omniciye kin ataya Jamestown el icimanipi kta iciconzapi. Yuykan heconpi. Tokaheya Washington, D. C. etanhan he-manip opapi na otowwe wan Richmond, Va. el iyunkapi. Oyate kin owote tipi el wicahipi na oyasin iyuskinyan nape wicayuze. Ihanja wotapi ayastanpi hehan wata peta wan opapi, Richmond otowwe etanhan wicotapi ko, na James Wakpa kin ihutabkiya yapi, ecel Jamestown ihunipi. Hel hipi icunhan wata peta wan u na wicasa winyan ko wicota ahi. Wata etanhan iyayapi kte con yupiya iyayapi, winyan tokaheya, hehan wicasa ikceka, hehan wicasa wakan na ehake Bishop kin hena, tka iyuha nomnonpa manipi. Ho hecel manipi na ohanketa Jamestown Tipi wakan kin ihunipi. Eya tehan-tu sni tka mini ohuta ikayela. Tipi wakan kin he wanja unpi sni, lakaš wanja juuwahan tka tiyopayapi qon ecel han na tipi wakan hea tuktel he con ataya tanin, nakun tipi ilazata wicahapi

makoe yuhapi qon conkaške kin hecegla han. Le kpatanpi kte hecin heon akapatanhon aconkaška-pi. Yuykan oyate nomnonpa manipi qon tipi kin he itokab nanjipi na Bishop etanhan cekiya-pi, na hehan oyasin okiwanjila lowan-pi. Iyohakab nakun Bishop tona woglakapi na taku eyapi kin lila onahon waste, na Lakota ia kagapi unkanš Lakota nahonpi kte lila iyokipipi kta tka. Ecin Okolakiciye Wakan kin le tokel u qon, nahon Milahan-ska oyate kin tokel icagapi na ohutkan kin el tokeca kin oyasin slayegna oyakapi. Tona nahonpi, winyan, wicasa, Wicasa wakan na Bishop kin, iyuha le on Wakantanja wopila eciyapi na lecel Wakantanja onsiwicalake cin on tokatakiya tokel okihipi ka. Okolakiciye kin na Milahan-ska oyate kin taku iwaštepi qon he ijehan kpatanpi na sanpa icagin kta škanpi kta e iciconzapi.

Jamestown ekta icimanipi qon Bishop Hare na Mr. Ashley el opapi, na hel taku econpi kin yuštampi ohakab, henios wata peta tokeca opapi na ihutab yapi na Newport News na Hampton ekta hipi, na hel Anpetu Wakan icunhan unpi. Eya Hampton Owayawa kin el yapi kta wicacopu na el lipayapi na wotapi. Yuykan Anpetu wakan ihanja napciyunka ape con Mr. Ashley, St. John tipi wakan el, tona Skahin opapi kin, wotapi wakan wicacupi he opa na wahokonwicakiye. Hehanl akewanji ape con wašicun. wacekiyapi kin el Bishop iye wahokonwicakiye. St. John tipi wakan eciyapi kin lila ehanja kagapi keš sutaya han. Wicokan sanpa hehan Hampton Owayawa kin el Sunday School econpi, tona Skahin opapi kin wicasa wakan wan St. John's awanyake cin, he wicayuha škan. Heconpi icunhan unma Okolakiciyepi opapi kin is tokan econpi. Unkiyepi etanhan econpi kin el Bishop na Mr. Ashley kicopi na woglag wicasi-pi. He ohakab hehan Hampton Owayawa etanhan akicita ošpaye unpi kin hena tipi wakan etkiya yapi kte cin on tokel piiciyapi ece kin ikpazopi, na hehan pyasin tipi wakan timahel yapi na cekiya-pi. Icupi han Bishop yamni na wicasa wakan topapi na Bishop yamni kin owecihon wahokonwicakiya-pi. Owayawa kin le taku oyasin

tanyan econpi selececa, tipi tanyan na waste, na tanyan onspewicakiyapi lakaš Lakota hokšila na wiciccala el opapi waste ecinpica.

Wiyohiyanpata New York State el Bishop obašpe zaptan yuhapi. Yuykan wanji Albany obašpe kin he imahel wicasa wakan yewicasi-pi heca wicayuhapi, na hekta omaka kin icunhan yewicasi-pi tawapi kin on mazaska 17,063 glusotapi. Lena wašicunpi na mazaska henakeca yusotapi eša nakun ilehanyag oyate toktokeca ekta yewicasi-pi kin he tanyan wawokiyapi.

Washington, D. C. el Hasapa Wicasa wakan wan, Rev. Dr. Crummell eciyapi kin he te con unkiyapi. Yuykan Hasapa tona Skahin opapi na otowwe kin el upi kin, hena Wicasa wakan kin he on wokiksuye wan glepi kta cinpi, hecel tipi wan wicasa wakan otipi kte cin heca kagapi kta awacinpi.

Dec. 19th qonhan New York Otowwe kin he el Rev. Thos. McKee Brown he te.

Tuwa wan Lord Kitchener, eciyapi, he Egypt el zuya hi na Fashoda hehanyan ihunni qon, he oyate kin ohiyewicaye con waonspepi kta, na wicasa wan Gen. Gordon wokiksuye on Owayawa wakanjuya wan kagin kta cin na heon mazaska 400,000 inna-ye keyapi.

Hekta Dec. 28 he ehan Rev. J. M. Horner eciyapi kin, he Ashville obašpe kin on Bishop yuwakanpi.

Hehanl Jan. wi wiyawapi 25 kin han Rev. W. H. Moreland, San Francisco etanhan he Sacramento obašpe kin on Bishop yuwakanpi kte.

Hehanl Rev. J. B. Funsten eciyapi, tuwa Boise obašpe kin on Bishop kahnigapi qon he wicala sni keyapi. Hecetu kinhan tokeša tohanju kin han Bishop kin hena igluwitayapi can tokeca wanji kahnigapi kta.

Yewicasi-pi wicohan kin el, Wicasa Wakan yewicasi-pi kta e wanice cinhan, na on yapi na nipi kta e mazaska wanice cinhan, nahon tona el škanpi kta e iyena yewicasi-pi sni kinhan wicohan kin he iyoonpi kte sni.

Wyoming State etanhan Rev.

Sherman Coolidge eciyapi na Mahpi-yato oyate etanhan heca lecala wotapi wan kage ca tokel Sunsuni na Mahpiyato oyate sakib tipi na wakan cekiya-pi opapi na el škanpi kin he oglaka.

Duluth obašpe kin on Bishop kin lecala wowapi wan kage ca "Wi kin le ataya owašteca, anpetu nomnala ošiceca na he icunhan omani šice. Qyaš omawani na anpetu nom lila tate eša makakije sni. Htaniban makaiyutapi wikeemna nom sanpa šaglogon canpagmigma ogna ble na wocekiye ocon topa, Baptisma. Wicayusutapi, Wotapi wakan na wanji ecamon. Hihanna kinhan tiyata waki kta, na hetanhan, North Dakota ekakiya, nahon Hahatonwan makoe ekta muij kta" keye.

Montana, New Mexico na Oregon States etanhan woyakapi kin eciyatanhan, obašpe kin hena el el wicohan wakan kin ohaško icage sni eša eya tanyan icage ca tanin.

Spearfish, S. D. etanhan Rev. W. H. Pond wowapi wan kage ca "Otowwe kin le el Okolakiciye kin tanyan icage. Tipi Wakan teca un-kagapi kin wanja ecala yuštampi kte" keye.

Rev. C. B. Bryan, Hampton el koškalaka na wikoškalaka tona he wayawapi awanjicayake cin he woglaka na hel škanpi kin he ecel škanpi ee eye. Lehanju kinhan 146 wayawapi, hetanhan koškalaka 91 na wikoškalaka 55, na lena etanhan 38 wotapi wakan opapi ece.

Japan Makoe kin el Okolakiciye iyuha škanpi na wanja Japan oyate etanhan wicasa na winyan ko 40,000 Christian wicakagapi.

Lehanju Ikeewicasa oyatepi etanhan wakanheja 20,000 wayawapi opapi, hekta waniyetu wikeemna yamni kirajna sanpa he ehan tuwejni sni tka.

Hekta qon Africa makoe kin el tani wicohan tawapi kin on wacekiyapi woobola yuhapi kin he lila te-hica selececa. Taku wakanlapi kin on tuktelktel mila on baičionpi, nahon wakanheja tawapi kin cehupa etanhan hiwicakicawegapi. Wanja wicota Christian hecapi kin on wicasa na winyan kin hena onnazi eola icagapi keyapi. Hecel oyate kin hena Hasapapi na šicaya ohanyanpi qon eša wotanin waste el wicohi na opapi kin on he wicayuwahwa na wicayuwaste okibi ca tanin.



# THE DAYBREAK.

THE DAYBREAK is published monthly in the interest of the Protestant Episcopal church among the Sioux Indians of South Dakota.

The subscription is 30 cents per annum in advance, and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to Rev. E. ASHLEY, Cheyenne River Agency, S. D.

## LETTER OF COMMENDATION.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notice and accounts of my Episcopal acts and visitations. I hope our people will take it and circulate it.

W. H. HARE,  
Missionary Bishop.

Published at the office of the Forest City Press, Forest City, S. D.

Entered at the Postoffice at Forest City, South Dakota, as second class matter.

## OKOLAKICIYE WAKAN WIYAWAPI

February Wi kin.

2. Saint Mary Witanšana-un kin yuskapi kin..... Ska
5. Sexagesima..... To stan
12. Quinquagesima..... To stan
15. Ash Wednesday--Lent el anpetu tokaheya..... To stan
19. Lent el Anpetu Wakan Tokaheya..... To stan
24. Saint Matthias Taanpetu kin-- (Ember Anpetu)..... Sa
26. Lent el Anpetu Wakan inonpa..... To stan

## Watanin-waste Ayapi On Wocekiye.

Anpetu iyohi wicokaya he oin ehan beyapi kta:

Wanikiya waste isto wacantkiya nitawa kdugad, canicpawega akan otkeyahan yaun tka qon, maka akan wicaša un kin owasin Niye eka etonwanpi qa niwicayapi nunwe. Amen.

Wi kin le Anpao okage cin Isanyati tipi etanhan wowapi wan kagapi kin he awacinyan yawa po. Taku oyakapi kin he hecetu lica na tokata Lakota oyate kin he lila ewacinpi waste na ogna škanpi waste. Icin tohan toktokecapi cantewastepe kta ca takuku ecawicunkiconpi eca, he eciyatanhan on iyotan wowiyuskin unkiqicagapi ece.

Lakota oyate kin, tona Blehanska, Pahasapa na Wicanhpi Yamni el Wookiye kagapi opapi kin tuktekte woglakapi otaninpi. Blehanska el wowapi yutanpi qon he lila cajeyatapi nawicunhonpi na hetanhan takuku awauncinpi. Wowapi yutanpi kin he Lakota tuwa ataya yawa na slolya he. Lakota iapi kin ogna ieska kagapi waste, kinhan anukatanhan tanyan ablezapi kta tka. Hehanl Blehanska el Tunkansila taku iwahounyanpi tka iwahounyanpi kin hetanhan ota unqupi šni co eyapi. Yunkan he wowi cake naceca tka, akeš wowapi kiciyutanpi kin he woiqiconza heca, hecel Tunkansila iye takuku econ kta iqiconze cinhan, Lakota is eya taku econpi naiš econpi kte šni iqiconzapi naceca. Lakaš wowapi kin he unyawapi

qon taku tokaheya unkablezapi kin, "Letanhan tokata Lakota oyate kin Wašicun oyate kin ob kicizapi kte šni" eyapi. sece. Nahan wowapi kin he Lakota oyate kin ataya wašicun wicohan ogna škanpi kta he ka naceca. Tka lehan, wowapi kin he kiciyutanpi ohakab waniyetu wikcemna yamni kiyela lica, tona nahaci wašicun wicohan kipajinpi na iglonica unpi hwo. Ito, tohan Tunkansila taku ota unqupi šni ye lo, unkeyapi eca, Iyayustag taku tona unkiqiconzapi qon tka econqunpi šni kin he unkiksuyapi waste, hecel anukatanhan owotanla unškanpi kta.

Nahan Paha Sapa wiyopeyapi qon, he Blehanska el woope kagapi qon ognayan econpi šni eyapi. Tohan taku wanji yustanpi kta cinpi kinhan "oyate tom kicašpapi etanhan yamni" hecetulapi kinhan hecen woyustan kta unkeyapi. Tuka Paha Sapa wiyopeunkiapi qon woope kin le ogna econpi šni, hecel he piyapi waste unkeyapi. Yunkan Tunkansilayapi kin eka wokuwa kin on unškanpi na tuwa kuwaunkiapi iwounglakapi naiš omniciye unkagapi eca Blehanska woope kin unkiksuyapi šni, na wicaša conala mniciya unyankapi eša, na oyate kin tanyan okalni gapi šni eša, inalini waunyustanpi kta uncinpi ece. Eya unkiye atayela heuncapi šni tka tuwewe iyounpaštakapi na on heuncapi naceca. Hececa eša tokata taku wokuwa unkitawapi kin on mniunkiciyapi hecinhan na el woyustan lica wanji unkagapi kte cinhan, unkiye Launkotapi kin, "oyate tom kicašpapi kin etanhan yamni" woope kin he unkiksuyapi waste.

## Anpao Kin.

### Wowapi Wakan Yawapi Wawokiya.

#### Lowanpi.

1. Cajé kin: Olowan kin le Hebrew iapi kin Olowan iyotan, naiš olowan oyas etanhan iyotan waste, eciyapi, na (1 Wicaša. 4: 32) Solomon olowan 1,005 kage qon etanhan ecela okaptapi kecinpi tka. Roma oieska el wowapi kin le "Cantica"—olowan wanjikji eyapi, tka yušnapi, icin wowapi kin le olowan wanjila heca.

2. Wowapi kin le wowapi wakan onšpa heca iyuha kinin wicalapi, na wicaša conala hecetulapi šni eša, Christian omaka itokab Juda oyate kin Hebrew wowapi wakan kin he ikoyake he ceŋunglapica šni. Hececa eša Juda oyate kin, tuwa waniyetu wikcemna yamni iŋunf šni kinhan yawa kta iyowiyapi šni.

3. Wowapi kin le el wicaša nonpa taninpi, wanji Solomon—Šelomoh eyapi na he walwala kapi, na unma is eya caje kin he yuha tka winyan cankel Šulamith eyapi. Hebrew wowapi kin el lenios wokiciglakapi na tokel ekiciyapi kin Hebrew iapi kin

etanhan tanyan tanin, tka Wašicun iapi oieska unkitawapi kin el iyecel tanin šni. Iwokiciglakapi olowan heca qeyaš tuwa owa kin iyelica iyatayela cajeiglate šni.

4. Wowapi kin le on togtogyeyuyucanpi:—[1] Tohinni Solomon Pharaoh cunwintku wan, waste tka hignaku ihukuya, he yuze qon okiciyuze olowan kage heca (Wico. 2:1-6; 7:1), na iapi tona eye cin he Jesus Okolakiciye Wakan yuzin kta wiyacinpi heca kecinpi. [2] Hehanl toktokeca is (Wico. 6:4) Tirzah na Jerusalem cajeyatapi kin on, he otonwe nonpa kicipajinpi, wanji he tiyošpaye 10 eciyatanhan najin, na unma kin he tiyošpaye 2 kin on najin, na etanhan, Rehoboam taanpetu kin el naiš kitan na ohakab, tiyošpaye kin hena ake igluwitayapi kta ca olowan kin le kagapi ecinpi. Wico. 3:6-8 el "wicaša wikcemna šakpe walitakapi" cajewicayatapi kin on, na Wico. 6:10, 13 el "ozuye nonpa" na Šulamith glicu kta kicopi kin on, Wicašayatapi wowapi tokaheya Wico. 12:23, 24 el wokicize ayustanpi qon, naiš Anpetu Oyakapi wowapi inonpa Wico. 13 el Abija, Jeroboam kaštaka cin ohakab, ake olakolki ciyapi kta cinpi kin on owapi se lececa. He hecetu hecinhan Šelomoh eyapi kin he Salem (Jerusalem) he kapi kta, na Tiyošpaye wikcemna kiiglušpapi ohakab, he Zion paha kin akan Tipi Wakan he cin he Israel Okolakiciye cantokpani kin he yatanin kta. Yunkan lececu kinhan hehan olowan kin le Christ taokolakiciye kin tokel wastelake cin iyotan yuotanin, hecel Solomon ikcewicasa winyan yuze cin on olowan kaga heca ecinpi kte šni. Wowiyucan kin le hecetu lakaš Hebrew iapi ogna tokel oowa yanke cin he yuwicake se lececa.

### Okolakiciye Wakan Wiwicawangapi Wan

#### Christ Tipi Wakan el aipi kin.

W. Christ Tipi Wakan el aipi wokiksuye kin tohantu he.

A. February wi wiyawapi inonpa Christmas ohakab anpetu wikcemna topa ehantu.

W. Cinca tokapapi kin eciyatanhan, Juda woope kin he tokel eya he. (Gli. 22:29.)

A. Jehowa na Tipi wakan tawa el wicohan kin on wakan yawapi kta, tka cinpi kinhan wošnapi wan on opetonpi kta eyapi. (Wica. 18:15)

W. Juda oyate kin el cinca wan kicitonpi eca, ohakab anpetu wikcemna topa kinhan, on tokel econpi he.

A. Tipi Wakan el aipi na Jehowa gupi, naiš cinpi kinhan mazaska šeqel zaptan on opekitonpi.

W. Hunku kin yuskapi kte cin on taku wayuša he.

A. Talcašunka cincala wan, waniyetu wanjila, nahan wakiyela, naiš tilwakiyela wanji; tka wašpanica kin on tabca cinca okihi šni kinhan wakiyela nonanala kicun kta. (Lewi. 12:6)

W. Tokaca Wanikiya unkita-

wapi kin woope kin lena ohola he.

A. Woope kin ihukuya tonpi kin heon, nahan Iye toni kin el wakan cekiyapi eciyatanhan woope tona yuke cin ataninyan ohola kta e iyowiniŋiye.

W. Jesus hunku kin lecel ecala Itancan unyanpi kin yuwakanpi kin on taku unkonspepi he.

A. Lehan tona cinca yuhapi kin, iye econ kin ognayan econpi waste, na cincapi kin Baptisma on Christ el awacapi kta iyececa.

W. Jesus hoksila icunhan taku wanjila econ oyakapi kin tuktel iyeyaya he. (Lukas 2:42, 46)

A. Waniyetu akenonpa qon Jesus hunku na Joseph Jerusalem ekta Woacakšin opapi kin ob iyaye, na takuwicaye kiglapa eša iye hekta "Tipi Wakan el waonspekiyapi kin wicacokab waanawicagoptan, na wiwiciyuh yanka."

## Woonspe Iwikcemna yamni saapa Sako-win.

### Wayaoataninpi kin.

W. Wayaoataninpi wokiksuye kin he tohantu he.

A. March wi wiyawapi wikcemna nonpa sanpa zaptan hehantu.

W. "Mary Witanšana—un waste kin Yaotaninpi" eyapi kin he tokel kapi he.

A. Gabriel Ogligle wakan kin he Mary el hoši hi na Jesus Itancan kin he inayin kta keciye qon he.

W. Ogligle kin he tokel heciya he. Lukas 1:28.

A. "Wiyuškin wo, wasteya yaun kin; Itancan kin niciun; winyan owicapeya niye niyawašepi ee" eya.

W. Gabriel Ogligle kin he Christ tonpi kte cin, tuwa tokali okiyaka he. Lukas 1:13-17

A. Zacharias wawayuša kin he John, Christ itokab yin kte cin, tonpi kta okiyake qon he ehan.

W. Le ohakab watohan Gabriel he Jesus Mary inayin kta okiyaka he.

A. Wi šakpa. Lukas 1:26

W. Nahan wayaoataninpi wan le el taku awacinpi iyececa he. Matt. 1: 21.

A. Itancan taogligle Joseph wokiyake qon he, na Mary cinca kin he maka Wanikiya hee kta eye cin he

W. Tokel eciyapi kte cin, wo-kecanpi wanji tukte oyaka he. Isa. 7:14

A. Isaya wokcan kin he, he Immanuel "Wakantanka unkici- pi un" eciyapi kta eye qon he

W. Lukas wiewoyake tokaheya, na oegle 46 el woyatan olowan taku owapi he

A. Ogligle wakan hoši kicahi kin ohakab Mary lowan qon hee, he "Magnificat" eciyapi, na iapi otokaheya, "Minagi Itancan kin yatan, na mitaniya kin he Wakantanka Wanikiya mitawa kin el iyuškin" eyapi kin on hecel eciyapi.



Wowiyuskin na Akihaniciyapi Anpetu Yutokecapi Kin.

W. Lent itokab Anpetu Wakan icyamoi kin he tokel eciyapi he.

A. Septuagesima, ioin Easter itokab anpetu 70 ecetu.

W. Lent itokab Anpetu Wakan inonpa kin he tokel eyapi he.

A. Sexagesima, ioin Easter itokab anpetu 60 ecetu.

W. Lent itokab Anpetu Wakan kin, is tokel eyapi he.

A. Quinquagesima, ioin he Easter itokab anpetu 50 ecetu.

W. Anpetu wakan kin lena on Okolakiye Wakan kin tokel ka he.

A. Christmas wowiyuskin na wotapi kin etanban unkipanpi, na Lent omaka kin kiyela u kin on igluwiyeya unsi.

W. Anpetu wakan kin lena on Wowapi na Wotanin waste kahugapi kin on tokel ayableza he.

A. Wowapi Wakan etanban tuktel wicohan sica tekiyapi, woiyopelciya na wacantikiyapi cajeyatapi: kin hetanban kahugapi he tanin.

W. Omaka iyobi Anpetu Wakan kin lena anpetu akiyecel iyehantu he.

A. Hiya, lena Easter ikoyakapi na he Wokiksuye yutokaupi heca cajeyatapi.

W. Tokaca Easter, Wokiksuye yutokaupi heca he.

A. Jesus icipaweli okatanpi qon hetanban kini qon he soliyapi, na icunban Juda oyate Woacaksin wohanpi kin he iyeban, na le iyehantu tawa kin he hanbepe wi kin he ikoyake.

W. Heel wowiyuskin na akihaniciyapi wokiksuye yutokaupi kin hena taku he.

A. Wokiksuye anpetu tona Easter ikoyakapi na hetanban yawapi kin, na Easter tokel yutokaupi ece kin hena iyecel yutokaupi.

W. Wokiksuye yutokaupi sni kin hena taku he.

A. Anpetu wakan na Anpetu wakan yawapi, tona Easter ikoyakapi sni, tka wiyawapi anpetu yatinsya ikoyakapi, Christmas, Wabosiye tanpetupi na toktokeca iyecela kin, hena ee.

Hohwoju: el Wicasayatapi Cunwintku ewicakiyapi woopetawapi kin.

WOOPÉ I.—Caje kin. Okolakiye kin le "Wicasayatapi Cunwintku" eciyapi kta, na Episcopal Okolakiye Wakan kin he ihukuya skanpi kta.

WOOPÉ II.—Taku on kagapi. Wicohala na Wikoškalaka kin hena Okolakiye Wakan el isamsanpa wasagkiciyapi kta heon.

WOOPÉ III.—Wicohan tawapi kin.

1. Anpetu iyobila "Nitokionze u nunwe" eyapi kta.

2. Toktokeca Christ el awicai kta e kuwapi kta.

3. Tokel okihipi kin wayazankapi kin owicakiyapi kta.

4. Tokel okihipi kin okiciyapi kta.

5. Yewicasipi kin okiyapi kta, (a) Wakagegepi kin on, na (b) womaeye on.

WOOPÉ IV.—Opapi kin. Tuwa Baptisma qupi kinhan opa kta okili. Opapi iyobila Mazaicipawega wan opetanpi kta na ijeban koglakapi kta.

Tuwa Baptisma iou sni kinhan opetapi kta sni, tka Probationer—opa kta cin—heca yawapi kta.

WOOPÉ V.—Itancanpi kin. Okolakiye kin le Wošna Kaga tuwa awanyake un kin he Patron—Ateyapi—yubapi kta. Itancan wan, Itancan okihi wan, Wowapi kaga wan na Mazaska awanyake wan yubapi kta. Lena wi ake nonpa on wicakahnigapi kta na cinpi kinhan akta wicakahnigapi kta.

Itancan kin omiciye oyasin el itancan un kta, na Patron kici wiyukean kin on opapi kin wowašiyeeconwicasi kta.

Ignuhayela Itancan el un sni kinhan Okihe kin he Itancan tawicohan econ kta.

Wowapi kaga kin he omiciye oyasin el tokel econpi naiš wayuštampi kin iyuha wowapi wan el owa kta.

Mazaska awanyake cin he mazaaka tona yubapi kin oyasin awanyakin kta, tka iyecinka takunni yusotin kta sni, omiciye tokel wayuštampi kin ecelaogna econ kta.

WOOPÉ VI.—Omiciye. 1. Cinpi kinhan Anpetu Wakan iyobila mniociyapi kta.

2. Omaka iyobila—tohantu kte cin Patron Itancan kici kahugapi kta—mniociyapi kta na he icunban Itancan apiwicayapi kta, na anpetu kin he econpica hecinhan, yuwitaya Itancan Htaye Wotapi kin icupi kta.

3. Omiciye oyasin el Itancan cin kinhan, hekta omiciye qon itayena opapi iyobi tokel skanpi kin oglagwicasa kta.

WOOPÉ VII.—Woope kin lena, Patron kici iwoglakapi on ecela apiyapi kta.

Santee Agency, Neb.

Jan. 1st, 1899.

Anpao kin: Tobantu kašta woawacin wanji waste qa etanban tona nahonpi kinhan on woonspe waste iyeypica ehanthahans hena onahonunniyanpi qa he owancaya daobdeca ecece kin he wowašte. Isanyati oyate kin he tokaheya wotanin waste nahonpi unkan otokabe kin ekta wokahnige sni ota wotanin waste kin de icahiyapi ecece, tka ocib wicohan wakan kin de tokiyotan kapi kin wanna sam su kin asdanyedan oyate ehna atanin aye ca oyate wastedakapi ecece. Wicohan wan hececa hekta omaka kin en econpi. Owakpamni en Winyan omiciye unpi kin he Christmas en can ekta wotkeyapi kin heca koka wanji yuwiyeyapi qa heyapi, "Ito Isanyati etanban Dakota Wicašta wakan wiyohpeyata wotanin waste oyakapi kin wanji de yeunkiyapi kta" eyapi qa imawangapi qonhan nina iwicaweciyuskin, tka onšpa miye tanmaben wowašinye qa hecanmi. Ehanna šta hecehnana wiyohpeyata wotanin waste oyag waun sni, taku on waku qa deban koka wan woyuba waste paotins niwaye do, ecanmi. Tonakecapi kin owas caje wicabdate unkan zaptanpi, Rev. Luke C. Walker, Rev. Amos Ross, Rev. Isaac H. Tuttle, Rev. William Saul qa Rev. Joseph Good Teacher. Ho he wanji tukte kta hecinhan iwicamonge unkan woohiye kin Rev. Amos Ross abdihpaye e he-

cen he koka qon de iyayektiyapi qa iyecadan tukten yeunyanpi qon he tanyan ihuni qa Rev. Amos Ross wopida wowapi wan wicaqa e he nakun koya den owawa kta. Unkan wacekiyapi oyanke unkitawapi owas Christmas ehan unhipicea wiyohiyanpatanhan koka unqupi qa otkunyanpi ecece kin he is de Isanyati winyan omiciye unpi kin ohna econpi e sdonwaye cin on wosdonye wan waste qa teca kin de mišnana yuha waun kte cin owakihi sni, tka ee miyecidaobdeca kinhan tokaš etanban woonspe unkiuppi kta ecanmi kin on de owawa.

William Holmes.

Gordon, Neb. Dec. 1st. 1898.

To the Women's Society of Our Most Merciful Saviour—Mitakuyepi: Christmas on wawicacupi nitawapi kin he wanna iwacu, qa Christmas hehanyan on wopida eciyapi kta ape waun kta owakihi sni. Eya taku mazaska ota hca iyawapi yabdawapi sni hecanmi, tka Wakantanka wicohan tawa kin heon wawokiyapi de ecanonpi hecanipi qa hecanonpi kepece qa heon nina icantewaste mayayapi do. Wanna waniyetu ota wiyohiyanpatanhan wicohan dececa on omakiyabanpi, tuka nakaba niyepi omakiyapi kin de Taspantanka iyotan odwaste hca wate kin he iyecela bda wa do, qa sam ake detanhan piya wawacinye qa wicohan wakan en wasagmayayapi do. "Wicohan waste ecanonpi kin hena akiktonjapi sni po, taku kin hena Wakantanka iyokipi ecece." "Wicacupi kin he wowašte qa icupi kin ee aokpapi." Nakun Jesus oie wanji heye, "Dena oikois-tinpidan kin hecawicayecanpi kin he miye ecamiyecanpi ecece." Wotanin waste kin de wasicun kin Dakota en ahipi qa he wopida tanka, qa Dakota ehna Isanyati oyate kin etanban wotanin waste kin oyanke toktokeca ekta ayapi qa wanjigji ekta tpi.

Mitakuyepi, hena akiktonjapi sni po, qa hena on sam wakišagiciya Wakantanka wicohan eakicon po. Micante on owa cin wopida eciyapi qa napeciyuzapi. Nitakuyepi wan he miye.

Amos Ross.

Sisseton etanban.

St. James Church. Dec. 25 oštan Christmas econ kin anpetu eehca tokaheya taku econpi kin winyan wakagegepi okodakiciye unpi kin he wiyotahan wotapi wanji tanka kagapi qa oyate oksantanhan en ahi kin nina wicota ešta owasin woyute ipipi kin on icanteunwaste pi qa he on winyan woyute unqupi qa pidaunyanpi kin on wopida ewicunkiyapi. Hehan makoce kin den canto wanica šta koška okodakiciye he mniociyapi qa F. F. Rondell he canto wanji waste unqupi kta e token ayuote cešta ihni kta do eyapi. Heceen St. James en koška okodakiciye he wanji he George Keble eciyapi kin he Conkioakee he cin on he wowapi wan qu qa canto wanji uye waši, hecel hanteša can wan nina waste uye qa ehaš hante oju kin hecehcin eunhdepi qa en šiceca wawicacupi kin hena yupiyaken otkunyanpi. Hehan wanna tin oibehan Koska Itancan, Robert White, wocekiye econ. Hehan F. F. Rondell, Felix Red Star, Richard Koele qa Conk-

case etanban wan, William Slow eciyapi kin he qa Abraham Shepherd qa John Able, hena wicašta wicohan wakan en unpi kin, token piya wasagiciya tokatakiya yapi kta hena on wohdakapi, iapi wowiyukcan awacinpica heca e yupiya iapi on wicašta itokam tanyan wawokahniliya wohdakapi qa on icante unwaste pi. Hehan Wakanhditokeca, Sampson Foster, Harry Mitin qa James Blue-dog hena tom taspantanka pannipi. He hdušani hehan John Barse qa Chas. Owens henaos is šiceca wawicacupi kin wicacaje kin yawapi. Ho kodaunniyanpi makoce tankaya yaunpi owasin iyuškinyan napeunniyuzapi. Nitakodapi wanji miye.

F. F. Rondell.

Crow Creek Agency etanban.

Anpao, ito koda iapi eonana miye-eidaotanin kte do. Kangiokute oyanke kin en C. U. Koška okodakiciye Dec. 16 kin en apikiyapi unkan itancan pa kin de yuštampi: Henry Cetankokipapi qu hehan okihe Wanbdiwicaša, qa wowapi kage cin Levi Bird, qa mazaska awanyake cin he Stephen Wizi. Hehan yewicasipi kin Wizi qa Antoine. Hehan wayazanka awanyaka Mahpiya sunka qa James Rilly. Ho qa hehan wiakenom hehanyan dena wicayuštampi. Mitakodapi owasin eantewaste ya nape ciyuzape do.

Henry Cetankokipapi, he miye.

Inyan Wakagapi etanban.

Anpao kin: Christmas wicohan kin on wowapi kin le cicage. Christmas anpetu kin hee maka akan wokiksuye owihanke wanica heca kta qa econ mahpiya wokiconze kin hehanyan kta. Eya Wicaša wakan unicapi tka wicohan kin tanyan ukhduštampi. S. Two Bear tunkansinayapi, James Zitkanwanbdi okiho. Jerome wowapi kaga. Wokiksuye kin kin on mazaska kin \$72.40 hena itayetu kin en iyuškiniciyapi. Tokaheya wacekiya wicaša unkitawapi kin he P. T. Ashley, Token Jesus icago cin heon wahokonunkiyapi. Hehan Wicanhipi kin he taku oyaka he, James Red Thunder. Hehan oyate kin Wakantanka wicadapi iyecela he, Alex. His War. Hehan can ekdepi kin he taku kapi he, he Lucy Matokinape win. Hehan token miyohan wiconi iyowabi kta he, Lucy Wamniomnitopi win. Tiwahe Koška omiciye kin \$33.65 qa St. Andrew Brotherhood \$38.75 ataya \$72.40. Mitakodapi wocekiye nitawacin kin en unyeksuypapi kta wacin ye do.

Nitakodapi wanji he miye.

Charles Pretty Flute.

Iecala Saglaša Bishop wanji toya-te wahokonwioakiye icunhan, anpetu kin le nabahcin wicaša wayatkanpi kin on itomniyapi, na wicacelipi wošape econpi na ho šice hca na on istelpica eša taku wan, Mazaska awaste-lakapi kin he iyotan walitanpi ee eye. He mazaska olota glubapi kta hein na Yewicasipi wicohan na Okolakiye Wakan wicohan on conala kicunpi ece kin he ka na on eya naceca.

Rev. C. B. Bryan, Hampton el koškaalaka na wikoškaalaka tona hel wayawapi awanwicayake cin he woglaka na hel skanpi kin he ecakel skanpi ee eye. Lehantu kinhan 146 wayawapi, hetanban koškaalaka 91 na wikoškaalaka 55 na lena etanban 38 wotapi wakan opapi ece.

Japan Makoce kin el Okolakiye iyuha skanpi na wanna Japan oyate etaaban wicaša na winyan ko 40,000 Christian wicakagapi.



## WOTANIN IKCEKA.

Wiyohiyanpata, New York otowwe el wicaša wakan wan Rev. Dr. Lyman Abbott eciyapi kin, na Congregational Okolakiciye kin etanhan, he lecala wowapi wan kage ca lkeewicaša tokel unpi na tokel wicakuwapi kta wašte iyukean kin he ikpazo. Yunkan taku tona eye cin he iyuha lel unyokayapi kte šni tka taku ke hie cin he optelyela unyokayapi kta. Milabanska makoe kin el oyate toktokeca Hungarians, Poles na Italia oyate kin unpi na igluhapi, na hena oyasin, unkiye ob, miniwanca etanhan miniwanca hebanhan American heunepi, na iyeeel lkeewicaša iyeeceapi wašte ce eye. Eya wacantkiye wicašapi kin tokel okihipi kin oyate kin ob škanpi na wicayuwastepe kte cin he hecetu, tka ijehan oyate kin tokeca najinpi kta iyowinwicakiyapi he hecetu šni. Hebanl takuku econpi kta wašte iyukean kin lena ee. 1. Indian Bureau (lkeewicaša awanwicayake cin) he Politics etanhan yukinukanpi wašte, na tuwa Tawayekiyapi kinhan tohan-yag wašte kinhan he wicohin kin he awanyake na tokel okibi kin wicohin kin he owihan kin kte cin he ogna wowašiyee econ kta iyecetu. 2. Wajna Reservation 10 naiš 12 tuktel makoe kin he wicakiyute yuštampi na wicaša iyuha allotments icupi, na hececa kin on Ateyapi kin awicayuštampi kta iyeececa. Makoe kin he on woakineca yuke cinhan, naiš tuwa wicakite hoin škan hecinhan, Woyasu kin he awanwicayake cin he hecetu, na Wayuocetu kin hee šni. 3. lkeewicaša kin na oyasin, Wašicun kin ob akiyeeel wowaškiye ibakuya unpi kta iyeececa. Na ignuhayela State naiš Territory wanji el lkeewicaša tanyan, wacigwicakiyuze šni kin on tanyan kte šni sece hebanl Tunkanšilayapi kin, —United States Court—el yapi na taku akinicapi kinhan he tanyan, wicakiyuštampi kta. 4. Hebanl Reservation iyuha tona econpica hecinhan kobanua wicaša iyohila allotment wicagupi kta iyeececa na wowapi suta (warrants) wicagupi kta. Nahaj, maka tona akab iyaye cin he wiopeyapi wašte na on mazaska tona kamnapi kinhan, oyate kin hena on wicakioignakapi kta iyeececa. Eya tokel wicakiyuštampi kta wašte kin he oiyukean tehike. Woyute na hayake opewioakicatonpi kta iyeececa šni, heconpi kin on oyate wicayuwicapi ece. Woonpe wanji lkeewicaša tokaheya onspewicakiyapi kta wašte kin, tuwa wowaši econ šni kinhan nakun taku wotin kte šni, he woonpe kin hee. Owekinis maka wikicanye ocaje oyasin on mazaska wicakiyuštampi wašte naceca. Hebanl makoe wicakiyuštampi kte cin onge waniyanpi wihanwicakiyapi kte cin ceela on wašte heca hecinhan, hebanl corporation heca wan kagapi na oyate kin he etanhan wicaša iyohila onspa tawayin kta wašte. Na le eciyatanhan Wakiya wicaša wan ksapa iyeyepica na le ognayan kta e woope suta wicakicage, hecel tuweni maka kin onya wicaki kte šni.

5. lkeconpi kinhan hebanl lkeewicaša kin he tokiya yin kte naiš tokel ku kta hecinhan iyowiyapi kta iyecetu tka, tokel wicaša iyuhawayasu ibakuya unpi kin is iyeececa pi kta. Italia wiyahana sina globin na toki iyaya ece kin he iyeeel lkeewicaša wan sina globin na omni kta iyeececa.

6. Ebate kin, Tohan lkeewicaša iyehantu kinhan na tiyospaye opapi kin hena yujupupi kinhan, hebanl lkeewicaša iyohila ballot (caje iyohipaye wicohin) wicagupi kta iyeececa, hecon kte cin on wašicun wicegna onye cin on iwastepe kte cin heon šni, tka iye ca American woawanyake cin eciyatanhan wošice cin etanhan awanyakapi kte cin heon. Ho wicaša kin he hecekeel iyukean. Tawoglake cin le el unyokayapi kin, he Lakota oyate kin he nahonpi kta e unyokayapi. Nahaj Lakota taku kin le nahonpi kinhan, he eciyatanhan Wašicun ksapapi kin tokel tokata onyanpi kta awacipi kin, is eya awiyukeanpi kta ca unyokayapi. Ho wiyukean po.

Mr. Ethan A. Hitchcock, Secretary of the Interior un kta yuštampi kin heon Russia oyate ekta yin kta e Hon. Charlesmagne Towne kašinigapi. Nahaj wanji Austria-Hungary ekta un kta, he Hon. A. C. Harris kihoigapi. Nopin wanja wicakiyuštampi.

Philippine wita el oyatepi kin hunh United States kipajinpi. Lena Filipino Insurgent ewicakiyapi. United States ihukuya unpi kta wicelapi šni, tka ataya tawaiyapi kte hoin. Yunkan lehan oyakapi kin eciyatanhan, oyate ospaye kin he United States kipajinpi kin on akicita unkitawapi el unpi kin ob kicizapi kta ce eyapi. lkeconpi šni wašte selececa.

Hekta wi kin lkeewicaša oyate na Sicangu oyate eciyatanhan tokel Senator Pettigrew, Senate el wiyuštawica kin kte cin on unyokayapi kin, wanja taku kin he yuštampi keyapi.

Washington, D. C. ekta Wakiya Omnicieye opapi kin cta makosica wan "La Grippe" eyapi kin on wiyazanpapi. Nahaj wicaša wan Mr. Dingley eciyapi he Pneumonia on wiyazanpapi na ta. Yunkan yonihan-yaj hapi.

Jan. 6 he ehan Michigan el Ošiseca hea, na itoga wa ihe šni eša lila magaju na on wakpala el minitan okokipe ce eyapi.

Omaha 1898 icunhan, tipi ileyapi kin on woyuha mazaska 119,650,000 kipiya ihangyapi ce eyapi.

France na England oyate kin taku wanji iwokiciglakapi, New Foundland makoe kin he England tawaye tka France el takuku iyowajapi. Yunkan taku iyowajapi kin he ayuštampi kta ca England cin wicakicaye. Heceulapi kinhan wiyohiyanpata Madagascar makoe kin ekta taku wicagupi kta eyapi na le wanja awacipi.

Pierre, S. D. ekta South Dakota Legislature (Wakiya omnicieye) wan na eyotanpko. Wajna sina kozapi ota pazopi tka nahahcin woope ota yuštampi šni. Wanji kapi kin he lee. Lakota tona wašicun iyeeel unpi wicayawapi kin (Sisseton na lhanpaw kin) tka t x (womnaye) takuni kicunpi šni eša, Tunkanšila wicakioicajuju kta icekiyapi kta he kapi. Hebanl wanji, Redfield, S. D. ekta Owayazanpapi tipi wan kagapi kta cinpi. Nahaj wanji, Watertown, S. D. ekta Owayawa wanhan-tuya wan kagapi kta cinpi. Nakun wanji, Tunkanšila etanhan Wayasu lhanpaw kin isanpa wowašake wicagupi kta cinpi na icekiyapi kte cin he.

Congress etanhan woyakapi na Senate kin he, Chamberlain (Maka tipi) ekta, Minišoše iyuweliya eeyagtonpi taku wan kagapi kta yuštampi keyapi.

Wiyohpeyata miniwanca ohuta opaye lila magaju na heyata paba ekta lila wa ihan, na heon maza apapi maza ota kul ihipaye ce eyapi.

Minišoše wakpala kin he tuktel ktel apiyapi kta e mazaska koktopawinge opawinge yuštampi kta cinpi na kuwapi.

Mr. W. J. Bryan eciyapi, tuwa Democrat eciyatanhan Tunkanšilayapi kta kuwa tka obiye šni qon, he Spaniola ob kicizapi na inahini akicita cinpi qonhan he opa na akicita itanhan, Colonel eyapi heca, kagapi. Wajna wokioize kin he enakiyapi kin on, is eya akicita wicohin enakiye na tiyata, Lincoln, Neb. ekta ki.

Santiago ohuta el Spaniola ozuye witawata ihangyapi qon, akicita itanhan wata tawapi onajinpi na ozuye econwicasi. Yunkan witawata itanhan wanji Admiral Schley eciyapi kin, waktagya škan kin, on lecala Philadelphia otowwe kin el, miwakan, wašte hea wan qupi.

Hawaii wita kin he United States wanja tawapi kta e unyokayapi qon, he eciyatanhan woyakapi na Senate kin el Committee wan he wicohin awanyakapi kin he wanja wiyukeanpi na wita kin he Territory wookihi yuha kta wašte keyapi na tokeša he ognayan woope wicakiyuštampi kta selececa.

Havana, Cuba ekta wicaša wan ehanpi Wiyohpeyata makoe kin iyeye qon el hapi na wanja Spaniola makoe kin he ayuštampi kte cin on, wicaša tuktel ihipaye cin opapi kta na miniwanca kowakata Spaniola makoe kin ekta aglapi kta ce eyapi. Wicaša kin he Christofer Columbus eciyapi.

Lecala Washington, D. C. el Cuba oyate etanhan, akicita itanhan wan, General Garcia eciyapi he te. Yunkan te cin obakab onwintku wan is eya ta ce oyakapi.

Paris, France ekta Spaniola oyate etanhan na United States oyate kin etanhan, Commission anekatanhan

wicakahnigpi na Spaniola makoe obihunyanpi kin he toketu kta hena hetanhan wolakota kta iwoglagwicasi pi qon, wanja glustanpi na tokel iwahokicicapi kin wowapi el kagapi na kiciyutanpi. Yunkan hetanhan Spaniola kin Porto Rico, Cuba, Philippine na Luzon wita kin hena ayuštampi kta, na unkiye unyuhapi kta; tka Philippine wita kin on mazaska woyawa tanja wikcemna nonpa wicunqupi kta yuštampi. Tokeša taku kin le Senate kin he iwanjakapi kta na heceulapi kinhan ogna is eya yuštampi kta. Hebanl taku wanji kapi. Makoe kin hena el Okolakiciye wanji la hel škan na tanyan šni kin on tokata Okolakiciye tona cinpi kin, nahaj wicaša tuktel wanji opa cin kinhan tuweni kišice kte šni ca wowapi kiciyutanpi.

Santiago ohuta ikayela Spaniola ozuye wita wata wicaktepila na minin kuš iyayapi qon hetanhan wanji yuwakan icupi na United States ekta akupi na apiyapi kta kecinpi. Icupi na akupi icunhan lila tate canke ayuštampi na tokiya okaliwoka na wita wan ohuta el iyeyapi. Nahaj Philippine wita ekta Manila ohuta kin el wata wanjikij ihangyapi qon hetanhan wanji, nonpa is yamoiwicaupi na apiwicayapi pica kecinpi, hecel akicita itanhan wan ekta ye na iwanjag na iyate šipi.

Congress el taku wanji iwoglakapi. United States itokaga na South America iwaziyata maka otobanyan škiskita wanja, yunkan lehan opta qapi na wakpala, wita wata opta yapi kta e kipiya kagapi kta cinpi, na he Congress el iwoglakapi. Tokel econpi kta nahahcin yuštampi šni.

Lakota oyate iye makoe tawapi kin el wašicun pogleska tawapi kin el bihi kte šni ca tuktel makoe oglaptapi kin acuykaškapi kta iwoglakapi. Yunkan Oglala ekta iye hecel cinpi qon na okihipi lakaš makoe tawapi waziyata opapun kin ognayan otag škanpi na ecala yuštampi kta tka, tka wicaša bunli conkaške kagapi kin le kipajinpi keyapi. Eya wikipajinpi kin el ihayata tuwewe najinpi na iyowicapaštakapi naceca kecinpi. Wicakapi hecinhan itonpapi wašte sece, lakaš taku kin le econpi kte cin on, Lakota (Oglala) tamazaska tona yuštampi na le yujupupi kinhan mazaska kin he toketu kta he.

New England el wicaša wan Amos Lawrence eciyapi na lila wijica qon tobini tuwe wowapi kicage na heya "Mazaska oyube cin eciyatanhan taku wašte el yukan hecinhan, he ilag-yapi kin hee—wowapi wakan el wiyah wan opiyehi kte yuha qon he ognayan, kahlokapi šni hecinhan na taku el un kin he Jesus na opapi kin awicakicunpi šni kinhan mazaska kin he oiyawa tawa takuni šni. Tuwa oa mazaska olota pahi na kignaka cinhan he wijica šni, tka tuwa mazaska ota yusota kinhan hee ca wijica ce eye.